

“ТАСДИҚЛАЙМАН”
“Banking Market and Business”
илмий электрон журнал
таъсисчиси
“CHINGIZ ART GROUP” MAS’ULIYATI
CHEKLANGAN JAMIYAT



M. XIDIROV

Самарқанд шаҳри

2023 йил

“BANKING MARKET AND BUSINESS”
ИЛМИЙ ЭЛЕКТРОН ЖУРНАЛИ ТАХРИРИЯТИ
НИЗОМИ

I. УМУМИЙ ҚОИДАЛАР	2
II. ТАҲРИРИЯТ ФАОЛИЯТИНИНГ МАҚСАДИ.....	2
III. МУАССИСНИНГ ҲУҚУҚ ВА МАЖБУРИЯТЛАРИ	3
IV. ТАҲРИРИЯТНИНГ ҲУҚУҚ ВА МАЖБУРИЯТЛАРИ.....	4
V. ТАҲРИРИЯТНИ БОШҚАРИШ ОРГАНЛАРИ	5
VI. ЖУРНАЛ ТАҲРИРИЯТИ	5
VII. ТАҲРИРИЯТ ХОДИМИ	5
VIII. ТАҲРИРИЯТ МОЛ-МУЛКИНИ ШАКЛЛАНТИРИШ ВА ФАОЛИЯТИНИ МОЛИЯЛАШТИРИШ МАНБАЛАРИ	6
IX. ИШЛАБ ЧИҚАРИШ, ХЎЖАЛИК ВА МОЛИЯВИЙ ФАОЛИЯТ. ФОЙДА (ДАРОМАД)НИ ТАҚСИМЛАШ ТАРТИБИ	6
X. ЖУРНАЛНИНГ ЧИҚАРИЛИШИНИ ТЎХТАТИБ ТУРИШ ЁКИ ТУГАТИШ АСОСЛАРИ ВА ТАРТИБИ	7
XI. ТАҲРИРИЯТНИ ҚАЙТА ТАШКИЛ ЭТИШ ВА ТУГАТИШ ТАРТИБИ.....	8
XII. НИЗОМНИ ҚАБУЛ ҚИЛИШ ВА УНГА ЎЗГАРТИШЛАР КИРИТИШ ТАРТИБИ.....	8
XIII. ҚОНУН ҲУЖЖАТЛАРИГА МУВОФИҚ БОШҚА ҚОИДАЛАР	8

I. УМУМИЙ ҚОИДАЛАР

1.1. “Banking Market and Business” электрон-илмий журнали (кейинги ўринларда - “Журнал” деб аталади) муассиси «CHINGIZ ART GROUP» MCHJ ҳисобланади (кейинги ўринларда - “Муассис” деб юритилади).

1.2. Журнал электрон-илмий журнали таҳририяти Ўзбекистон Республикасининг “Оммавий ахборот воситалари тўғрисида”ги қонуни асосида ташкил этилади.

1.3. Журнал ўзбек, рус ва инглиз тилларида, 1 ойда бир маротаба чиқариладиган нашрдир.

1.4. Журнал ҳажми мақолалар ҳажмидан келиб чиққан ҳолда шакллантирилади, максимал ҳажми чекланмайди, формати 84x108 1/16.

1.5. Журнал мустақил фаолият кўрсатиб, Ўзбекистон Республикаси Конституциясига ва қонунларига, Ўзбекистон Республикаси Президентининг фармонлари, қарорларига, Ўзбекистон Республикаси Вазирлар Маҳкамасининг қарорларига, фармойишларига ва бошқа норматив-ҳуқуқий ҳужжатларга, шунингдек, Муассиснинг буйруқ ва фармойишларига ҳамда ушбу Низомга асосида юритилади.

1.6. Таҳририят манзили: 140100, Ўзбекистон Республикаси, Самарқанд вилояти, Самарқанд шаҳри, Саттепо Массиви 34 уй 11 Хонадон

II. ТАҲРИРИЯТ ФАОЛИЯТИНИНГ МАҚСАДИ

2.1. Таҳририят фаолиятининг мақсади бўлиб, юридик ва жисмоний шахсларнинг Банк-молия, бизнес, маркетинг, менежмент ва иқтисодиётга оид илмий мақолаларини нашр этиш ишлари бўйича хизматлар кўрсатиш ҳамда ушбу Низомда назарда тутилган бошқа ишлар ва хизматларни амалга ошириш ҳисобланади.

2.2. Таҳририяти фаолиятининг предмети бўлиб:

Журнал ўзбек, рус ва инглиз тилларида банк иши, инвестиция, суғурта, бизнес, молия, маркетинг, менежмент ва иқтисодиёт йўналишларида энг долзарб инновацион ғоялар, интеллектуал ва технологик салоҳиятни ошириш, соҳа ва тармоқларни инновацион ривожлантириш муаммолари бўйича илмий мақолалар чоп этиб, кенг оммага етказиш ҳамда турли ахборот маҳсулотларини чоп этиш бўйича фаолиятни амалга ошириш ва таъминлаш, банк, иқтисодиёт, фалсафа, менежмент, маркетинг, тижорат, савдо, суғурта, инвестиция ва молияга алоқадор бўлган расмий ҳужжат ва иловаларни чоп этиш;

- илмий, амалий анжуманлар, семинарлар ва бошқа шаклдаги илмий мулоқот ва мунозарага оид материалларни нашр этиш ва тарқатиш;

- молиявий хизматлар ва ноишлаб чиқариш тармоқларининг тадбиркорлик ҳамда тижорат фаолиятини юритиш учун зарур маълумот берувчи, рекламага оид ва бошқа материалларни йиғиш, таҳрир қилиш, чоп этиш ва тарқатиш;

- банк, молия, инвестиция, бизнес, менежмент, маркетинг ва иқтисодий йўналишидаги адабиётларга берилган тақризларни чоп этиш;

- хорижий мамлакатлар билан нашр этилган журналларни айирбошлаш ва уларга сотиш;

- Ўзбекистон Республикасининг амалдаги қонунларига зид келмайдиган ҳар қандай иқтисодий ахборот ва маълумотларни журналда чоп этиш ишлари билан шуғулланиш ҳисобланади.

2.3. Журнал юридик ва жисмоний шахсларнинг Банк-молия, бизнес, маркетинг, менежмент ва иқтисодий йўналишдаги мақолалари ва ахборотларини чоп этишга ихтисослашган.

III. МУАССИСНИНГ ҲУҚУҚ ВА МАЖБУРИЯТЛАРИ

3.1. Муассис қонунда белгиланган тартиб бўйича қуйидаги ҳуқуқларга эга:

- муассис оммавий ахборот воситасининг рўйхатда қайд этилган номидан фойдаланиш ва уни тасарруф этиш;

- фойдани тақсимлашда ва зарарларнинг ўрнини қоплашда иштирок этиш;

- энг катта ҳажми ва чиқариладиган муддати таҳририят низомига ёки муассис ва таҳририят ўртасидаги шартномага мувофиқ белгиланадиган, реклама тусида бўлмаган хабар ёки материални ўз номидан оммавий ахборот воситаси сифатида бепул жойлаштириш;

- таҳририятнинг фаолияти тугатилган тақдирда, кредиторлар билан ҳисоб-китоб қилинганидан кейин қолган мол-мулкни ёки унинг қийматини қонун ҳужжатларида назарда тутилган тартибда олиш;

- мазкур Низом ва амалдаги қонун ҳужжатларида, шунингдек у билан Журнал таҳририяти ўртасида тузилган шартномада белгиланган ваколатлар доирасида таҳририятнинг ишларини бошқаришда иштирок этиш, журнал фаолиятининг мақсади, предмети ва турларини белгилаш;

- таҳририят Низомига ўзгартириш ва қўшимчалар киритиш тўғрисида қарорлар қабул қилиш;

- таҳририятни қайта ташкил этиш ёки тугатиш тўғрисида қарор қабул қилиш, тугатиш комиссиясини тайинлаш ҳуқуқига эга.

Муассис қонун ҳужжатларига мувофиқ бошқа ҳуқуқларга ҳам эга бўлиши мумкин.

3.2. Муассиснинг мажбуриятлари:

- таҳририятни ташкил этиш;

- таҳририят низомини тасдиқлаш;

- таҳририят билан шартнома тузиш;

- журналнинг чиқарилишини таъминлаш;
 - оммавий ахборот воситалари тўғрисидаги қонун ҳужжатларига риоя этилишини таъминлаши;
 - муассиснинг устав фонди ўзгарганлиги ҳақида, агар устав фондида чет эл инвестициялари улуши ўттиз фоизгача бўлса, Ўзбекистон Республикаси Ахборот ва оммавий коммуникациялар агентлигини хабардор этиши;
 - журнал бош муҳарририни тайинлаш, у билан меҳнат қонунчилигига мувофиқ меҳнат шартномасини тузиш;
 - журнал таҳрир хайъати аъзоларини тайинлаш ва озод қилиш;
 - таҳририятга мулкдан фойдаланишга имконият беришдан иборат.
- Муассиснинг зиммасида қонун ҳужжатларига мувофиқ бошқа мажбуриятлар ҳам бўлиши мумкин.

IV. ТАХРИРИЯТНИНГ ҲУҚУҚ ВА МАЖБУРИЯТЛАРИ

4.1. Таҳририят ўзининг касбий фаолиятида мустақилдир, қонунчилик доирасида маълумотлар ва ахборотларни ўрганишга, топишга ҳақлидир ва нашр қилинаётган мақолалар, нашр маҳсулотлари мазмуни, объективлиги жавобгардир. Нашр ишларидаги кўчирмачилик (плагиат) ҳолатларига муаллиф жавобгар ҳисобланади.

- 4.2. Таҳририят ўз фаолиятини юритиш доирасида қуйидаги ҳуқуқларга эга:
- ахборотларни топиш, ўрганиш ва тарқатишни амалга ошириш;
 - ахборотлар олиш мақсадида давлат, хўжалик органлари ва бошқа ташкилотларга мурожаат қилиш;
 - турли ташкилот, муассаса, корхона ва мутахассис – экспертларга нашр қилинадиган мақолалар, нашр маҳсулотлари мазмуни бўйича фикрини билиш мақсадида мурожаат қилиш;
 - қонунчиликда тақиқланмаган ишлаб чиқариш-хўжалик фаолиятини амалга ошириш;
 - таҳририят фаолиятини ривожлантириш мақсадида турли ассоциация ва Корхоналарга муассис билан келишган ҳолда аъзо бўлиш;

- 4.3. Таҳририят мажбуриятлари:
- Ўзбекистон Республикаси қонунлари ва бошқа меъёрий-ҳуқуқий ҳужжатлар талабларига қатъий амал қилиш;
 - нашрнинг даврийлигига риоя этиш;
 - таҳририятнинг молиявий-хўжалик фаолияти тўғрисидаги ҳисоботни Муассисга тақдим этиш;
 - ходимларнинг ижодий муваффақиятларини моддий ва маънавий рағбатлантиради, уларнинг касбий маҳоратларини ошириш, маиший шароитларини яхшилаш тўғрисида ғамхўрлик қилиш;
 - таҳририят қонунчилик доирасида бошқа ҳуқуқларга ҳам эга бўлиши мумкин ва бошқа мажбуриятларни ҳам олиши мумкин.

4.4. Журнал электрон шаклдаги маълумотлар базаларида ва Интернет тармоғида сайтлар орқали ҳам тарқатилиши мумкин.

V. ТАҲРИРИЯТНИ БОШҚАРИШ ОРГАНЛАРИ

5.1. Таҳририятни бошқаришнинг юқори органи бўлиб Таҳрир ҳайъати ҳисобланади.

5.2. Таҳрир ҳайъати:

- таҳририят сиёсатининг асосий йўналишларини белгилайди;
- Журнал концепциясини тасдиқлайди, унинг амалга оширилиши устидан назорат ўрнатади;

5.3. Таҳририятнинг жорий ижодий ишини Бош муҳаррир бошқариб, унинг номидан иш кўради, унинг манфаатларини амалдаги қонунлар ва мазкур Низом бўйича ҳимоя қилади.

5.4. Бош муҳаррир:

- Журнал таҳририяти ижодий ишига, Таҳрир ҳайъатининг жорий ишига раҳбарлик қилади, Таҳририят номидан иш олиб боради.

- чоп этиладиган материалларни танлаш ва Журналнинг мазмунига тааллуқли бўлган бошқа масалалар бўйича қарорлар қабул қилади;

- Бош муҳаррир ўзининг ёрдамчиларига эга бўлади ва улар олдида мажбуриятларни тасдиқлайди;

- Бош муҳаррир штат жадвалини ишлаб чиқади ва бошқа ташкилий тақсимот ишларини амалга оширади.

- Бош муҳаррир белгиланган тартибда таҳририятнинг фаолияти тўғрисида Муассис олдида ҳисобот беради.

5.5. Бош муҳаррир ўз зиммасига юкланган вазифаларнинг бажарилиши, шунингдек, таҳририятга берилган мулкнинг сақланиши ва ундан мақсадли фойдаланилиши юзасидан қонун ҳужжатларида белгиланган тартибда жавоб беради.

VI. ЖУРНАЛ ТАҲРИРИЯТИ

6.1. Журнал таҳририяти Муассис томонидан тузилади ҳамда Ўзбекистон Республикаси қонун ҳужжатлари, мазкур Низом асосида иш олиб боради.

VII. ТАҲРИРИЯТ ХОДИМИ

7.1. Таҳририят ходими деганда, таҳририятда шартнома асосида иш фаолият юритувчи ва материалларни тўплаш, уларни таҳлил ҳамда таҳрир қилиш, тайёрлаш билан шуғулланувчи шахс тушунилади.

7.2. Таҳририят ходимининг ҳуқуқ ва мажбуриятлари Ўзбекистон Республикасининг “Оммавий ахборот воситалари тўғрисида”ги, “Журналистик фаолиятини ҳимоя қилиш тўғрисида”ги қонунлари, бошқа қонун ҳужжатлари ва мазкур Низом билан белгиланади.

VIII. ТАҲРИРИЯТ МОЛ-МУЛКИНИ ШАКЛЛАНТИРИШ ВА ФАОЛИЯТИНИ МОЛИЯЛАШТИРИШ МАНБАЛАРИ

8.1. Журнални чоп этиш учун маблағлар ва унинг мол-мулкани шакллантириш манбалари қуйидагилардир:

- таҳририят бюджети доирасида ажратиладиган «CHINGIZ ART GROUP» MCHJ нинг маблағлари;
- хизматлар кўрсатишдан олинган даромадлар;
- реклама ва эълонларни чоп этишдан тушумлар;
- журнал ададини обуначиларга реализация қилиш ва чакана сотишдан тушумлар;
- бегараз ва хайрия бадаллари;
- қонун ҳужжатларида таъқиқланмаган бошқа тушумлар ҳисобига шакллантирилади.

IX. ИШЛАБ ЧИҚАРИШ, ХЎЖАЛИК ВА МОЛИЯВИЙ ФАОЛИЯТ. Фойда (даромад)ни тақсимлаш тартиби

9.1. Таҳририятнинг ишлаб чиқариш, хўжалик ва молиявий фаолияти амалдаги қонун ҳужжатларига мувофиқ «CHINGIZ ART GROUP» MCHJ томонидан амалга оширилади.

9.2. Таҳририят фонди таъсис этувчи томонидан ёки бошқа хайрия фондлари ҳисобига кўпайиб бориши мумкин. Бу фондлар, унинг моддий-техника базаси ва ходимларни моддий рағбатлантирилиш учун ишлатилиши мумкин.

9.3. Таҳририятнинг зарари резерв фондидан, агар маблағи етмаса таъсис этувчининг маблағидан қопланади.

9.4. Таҳририят фақат ўзи учун ажратилган мулкка жавоб беради ва таъсисчи мажбуриятлари олдида жавоб бермайди.

9.5. Таҳририятнинг даромадлари (фойдаси) харажатлар қопланганидан, зарурий солиқлар ва тўловлар тўланганидан сўнг амалдаги қонун ҳужжатларига мувофиқ ишлатилади.

Х. ЖУРНАЛНИНГ ЧИҚАРИЛИШИНИ ТЎХТАТИБ ТУРИШ ЁКИ ТУГАТИШ АСОСЛАРИ ВА ТАРТИБИ

10.1. Журналнинг чиқарилишини тўхтатиб туриш ёки тугатиш рўйхатдан ўтказувчи органнинг аризаси асосида суднинг қарорига кўра амалга оширилади.

10.2. Муассис журналнинг чиқарилишини таҳририят низомида ёки муассис ва таҳририят ўртасида тузилган шартномада назарда тутилган ҳолларда тўхтатиб туриш ёки тугатишга ҳақлидир.

10.3. Муассис журналнинг чиқарилишини тўхтатиб туриш ёки тугатиш тўғрисида қарор қабул қилинганидан кейин ўз қарори ҳақида рўйхатдан ўтказувчи органни уч кун ичида ёзма шаклда хабардор этиши шарт. Мазкур хабарнома ушбу журнал чиқарилишининг тўхтатиб турилиши ёки тугатилишидан олдинги ёки сўнгги чиқарилишларидан бирига жойлаштирилиши керак.

10.4. Журналнинг чиқарилишини суд қарорига кўра тўхтатиб туриш, рўйхатдан ўтказувчи орган томонидан таҳририятга нисбатан чиқарилган огоҳлантиришга сабаб бўлган қонун ҳужжатлари бузилиши, такрорий, ёзма огоҳлантиришдан кейин бир ой ичида бартараф этилмаган тақдирда амалга оширилади.

10.5. Журналнинг чиқарилишини қайта бошлаш, рўйхатдан ўтказувчи орган аниқлаган қонун ҳужжатлари бузилишлари бартараф этилганлигини тасдиқловчи маълумотлар муассис ёки таҳририят томонидан судга тақдим этилганидан кейин суд қарорига асосан амалга оширилади.

10.6. Журналнинг чиқарилишини тугатиш тўғрисида суд томонидан қарор чиқариш учун қуйидагилар асос бўлиши мумкин:

- оммавий ахборот воситалари тўғрисидаги қонун ҳужжатлари талаблари таҳририят томонидан мунтазам равишда бузиб келинганлиги, бу ҳақда рўйхатдан ўтказувчи орган томонидан муассис ёки таҳририят номига илгари ёзма огоҳлантиришлар юборилганлиги;

- суднинг журнални чиқаришни тўхтатиб туриш ҳақидаги қарори бажарилмаганлиги;

- журналнинг олти ойдан зиёд вақт мобайнида чиқарилмаганлиги;

- қонун ҳужжатларида белгиланган бошқа ҳоллар.

10.7. Журналнинг чиқарилишини тугатиш унинг рўйхатдан ўтказилганлиги тўғрисидаги гувоҳноманинг амал қилиши тугатилишига сабаб бўлади.

10.8. Журналнинг чиқарилишини тугатиш тўғрисида муассис томонидан қарор қабул қилинган тақдирда, таҳририят муассиснинг рухсати билан худди шундай номдаги журнални белгиланган тартибда таъсис этишга ҳақлидир. Бундай ҳолда журнални қайта рўйхатдан ўтказиш талаб қилинади.

XI. ТАҲРИРИЯТНИ ҚАЙТА ТАШКИЛ ЭТИШ ВА ТУГАТИШ ТАРТИБИ

11.1. Муассис таҳририятни қайта ташкил этишни ушбу Низомда ёки муассис ва таҳририят ўртасида тузилган шартномада назарда тутилган ҳолларда амалга ошириши мумкин.

11.2. Таҳририят муассиснинг қарорига кўра, қонун ҳужжатларида назарда тутилган тартибда ёки журналнинг чиқарилишини тугатиш тўғрисидаги суд қарорига биноан тугатилиши мумкин.

XII. НИЗОМНИ ҚАБУЛ ҚИЛИШ ВА УНГА ЎЗГАРТИШЛАР КИРИТИШ ТАРТИБИ

12.1. Ушбу Низом Ахборот ва оммавий коммуникациялар агентлиги билдирган камчиликларни эътиборга олиб «CHINGIZ ART GROUP» MCHJ нинг таъсисчиси томонидан қайта ишлаб чиқилиши ва тасдиқланиши шарт.

12.2. Журнал таҳририятининг низоми Ахборот ва оммавий коммуникациялар агентлигида ўрнатилган тартибда давлат рўйхатидан ўтказилиши керак.

12.3. Ўзбекистон Республикасининг “Оммавий ахборот воситалари тўғрисида”ги қонунда кўрсатилган маълумотлар ва ҳужжатларга журнал рўйхатдан ўтказилганидан сўнг ўзгартишлар киритилган тақдирда, муассис белгиланган тартибда таҳририят низомига ўзгартишлар киритиши ва уни Ахборот ва оммавий коммуникациялар агентлигида ўрнатилган тартибда қайта рўйхатдан ўтказиши шарт.

XIII. ҚОНУН ҲУЖЖАТЛАРИГА МУВОФИҚ БОШҚА ҚОИДАЛАР

13.1. Муассис таъсис ҳужжатларига унинг томонидан киритилган ўзгартишлар тўғрисида Ахборот ва оммавий коммуникациялар агентлигини бир ой муддатда ёзма шаклда хабардор қилиши шарт.

13.2. Бош муҳаррир, шунингдек, муаллифлар журналда ҳақиқатга мос келмайдиган материалларни тарқатганлик учун оммавий ахборот воситалари тўғрисидаги қонун ҳужжатларини бузганликда айбдор деб, белгиланган тартибда жавобгар бўладилар.